

So lassen wir doch solchen vnuerstandt/ sintemat
es nicht beredens/ sondern wissens gilt/billich fah
ren/ vnd zweiffeln nicht/ die verstendigen vnd Lieb
haber dieser hohen kunst/ vnd welchen sonst der ge
meinen Rechen vnd Messerkunst ein wenig erfah
ren/ werden aus diesem vnd vorgehenden Capitel/
eine zimliche nachrichtung/ wie diß geschehen kan/
zu nemen haben/ vnd mit dem hochweisen Platone
bekennen/das die *Arithmetica* vnd *Geometria*, gleich
als zwene flugel sein/ damit der Menschliche ver
standt/biß an Himmel kommen kan.

Das 6. Capittel.

Wie groß die lenge des Cometen
gewesen.

Siewol der Comet am ende des schwanz
kes sehr bleich/dünne/ vnd tuncfel war/
das man nicht leichtlich vnterscheiden
kondte/ vnd er ohne zweiffel droben viel
lenger gewesen / denn man hienieden vber so viel
tausent/hundert/vnd etliche meile / wie in vorge
hendem Capittel angezeigt / eigentlich hat sehen
können/darzu die stralen / wie eine festerflamme
D ij | pflegt